

دائرة مخصوصه

در سعادتده باب عالی جوارنده

محل اداره :

مشرط القلم

۱۳۲۶

اخطار :

مسلكمزه موافق آثار جديده مع المنوئيه
قبول اولنور

درج ابدن آتار اعاده اولنور

دبير، فلسفه، علوم، حقوق، ادبيات و سياستنامه، دباظاصه كرك سياسى و كرك اجتماعى و مدنى احوال و شئونه اسلاميه ديه بحث ايدر و هفته ده بر نشر از انور.

آبونه بدلى

سنه لكى التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۵	روبله
سائر ممالك اجنبيه	»	۱۷	۹	فرانق

صاحب و مؤسسلرى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتده نسخه سى ۵۰ پاره در

قىرله دن مقوا بورو ايله كوندريلىر سه سنوى

۲۰ غروش فضله آلنير

در دنجى جلد

۱۹ شهبان ۳۲۸ پنجشنبه ۱۲ اغستوس ۳۲۶

عدد : ۱۰۳

مسکرات بوانصافسز زهرلر انسانلرک صحت حاضره سنی بر باد و پریشان ایتد کدن صکره اریتله هنوز دنیا یوزینه کلامش نسللره قدر و حیثیانه تعرضلر اوزاتیرلرده صاغلام متین اولادلر یرینه جلیز، تیزهک و رمه ، تجننه مستعد بر طاقم فائده سز محصللر یتیشیر ، ذکی و فعال وجودلر یرینه غبی، عاطل، محتاج معاونت عنصرلر میدانلر کلیر . معدله لری، قره جگرلری، بوبرکلری، دامارلری، قلبی، بیفی حاصلی اک مهم و قیمتی عضولری بوزان، قاتیلاشدیران چوروندهن بوزهرلردن انسانلر نه کی بر ایسلک کورمشلر؟

دماغی قامچیلایه رق ایلک دقیقه لرنده ویردیکی ساخته برنشئدن بشقه هیچ برشی؛ فقط اویله برنشئه که تهووراره وحشتلره جنایتلره قدر واریبورده انسانی محکوم فلاکت ایدیور؛ یاخود عطالته، اویوشوقلغه، ضیاع عقله منجر اولیورده توز طور اقلرده، چامورلرده چیرپیندیره رق آدمی دوچار هجالت و حقارت ایدیور .

ایچکی اکر دفعه بویله جه انتقامی آله مزسه بر جوق سندنلر انسانلری سفالت ایچنده اویالایور ، خیر پالایورده بردنبره اولانجه خباتله تأثیر ایدرک اغفال ایتدیکی بشری جنته ، موته قدر سوق ایدیور . ایچکی یه مبتلا اولانلرک بر جوقلری ایچدکاری زهرک بوفتالقلرینی بیلیرلر . هیسات... بردفعه یقه بی آله ویرمشلردر . بوفلاکتدن خلاص اولمق ایچون بوزولمش دماغلرندن صادر اولان اراده لر کافی درجه ده قوتی حائر دکلدلر . عذابلر ، کابوسلر ، آتشلر ایچنده بوغولورلرده ینه هر کون ایچیرلر . چونکه اعتیاد ایتمش، بوقاتل بی امانه اسیر اولمشلردر . بویچاره لره امداد امداد... یاردم ایدن اولمزسه داء الکئوله طوتیلورلر . اخلاقلری دیکشیر ، چهره لری دیکشیر ، حسلری دیکشیر ، آرق اک سودکاری اولادلرینی عائله لرینی بیله شفقت و محبتلرندن دور طوتارلر . وجودلرینی مدھش بر عصیت قاپلامش ، حسلرینی بیوک بر ضلالت صارمش اولدینی حالده اوده ، محله ده ، هر یرده نزاعلر قوغالر ایجساد ایدر ، هر کسی ایچتیرلر . حیاتلرندن لذت ، خانه لرندن استراحت قاجشدر . یاتار اویویامازلر . هیجانلی کچن کونلرینک یورغونلغی بریکیر ، وجودلری پیراندقجه پیرانیر . آرق هر دقیقه لری اشکنجه لیدر، بوتون مشنله لری دماغلرنده حصول بولان قورقونج خلیلرله دیدشمک ، کوزلری اوکندن هیچ اکسیک اولیان فجیع صحنه لره تجسم ایدن مهیب خیالارله بوغوشمقدلر . مسکرات ، انسانلری محو و منقرض ایدن بومنحوس مایعات آرق بوعصر مدنیتده وجود مزده کی دامارلره قدر آقاجق یوللر یاتاقلر بولاماملی در . امداد! بشریت یانیور ، صحت و سعادت بو فلاکت منبعلرینک تمیز وجودلره قاریشیدیردینی زهرلرله، آتشلرله امتزاج ایده میور... بوکون ایچه جک ایی صو بیله بولنمیشان آوروپاده ارباب عقل واذعان مسکراتک حیات ، نسل و ذکای بشره ایندیردیکی ضربه لری آزالتمق ، بنای وجودی اسپرتو آتشلرله یاقوب کول ایتدیرمامک ایچون ال برلکیله چالیشیورلر .

صاف ، براق ، سرین صولری هر گوشه سنده بوله بیلدیکمز شو

وطن معز زده بزار نیچون حیاتمزی، موجودیتیزی یاقلم ، نسلامزی کورله تملم!

اسلامیت وشریعت مسکراتی حرام قیلهرق بزلره رهبر نجات اولیور . وطنداشلر الاله ویرلم ، ایدادیمزک صاف صولرله، عدالره، هوا ایله قزانوب بزلره میراث براقدقلری هیبتلی متین وجودلرمزی اسپرتولرله ضعیف دوشورمیهلم!

مشروطیتک جمله مزه آچدینی ساحه ترقیده اتحاد ایدرک اسپرتوسز بر مدنیت تأسیس ایدلمده بوتون عالم علم و عرفانک مظهر آفرینی اولهلم . « عثمانی منع مسکرات جمعیتی »

اسلامیتک ظهور و ترقیسی

مبات حضرت محمد

مؤلفی درقنور استانبول
مترجمی ماردینی زاده عارف

فصل اول

دین اسلامک ظهورینه قدر خرسیتیانلق ایله یهودیلک احوالی حقنده معلومات اجمالیه مابعد

رومالولر طرفندن خرسیتیانلر حقلرنده اجرا قلذان تضییقات ختام بولدقندن صکره خرسیتیان متعصبلی و خرسیتیانلق اغورنده ستمدیده اولانلر بت پرست حکمدارلره تورات وانجیللرینی فدا ایدن ویاشرلرندن حذراً مداهنه و مدارات طریقنه سالک واجقه اعطاسیله تخلص کریبان ایدن خرسیتیان مراثیرینه نظر کراحتله باقغه باشلدیلر . وقتیلهمداراته توراتی حکمدارمه تسایم ایدن بر راهب قرتاجنه خرسیتیانلرینه بسقبوس نصب اولدقده قرتاز خرسیتیانلری راهب مرقوم ایله عونونه سنی افاروز ایدرک قبول ایتامشلر ایدی . بو طائفه متعصبیه (دوناتیست) نامی ویریلوب افریقا خرسیتیانلرک قسم اعظمی بو طائفه یه التحاق ایتدکلرندن طولانی طوائف نصارا ارمه سنده تفرقه واختلاف کمال شدتله حکمفرما اولمغه باشلدی . افریقاده بولنسان ایکویز اللی راهب بو طائفه یه تابع ایدی . روماده بولنسان باش بسقبوس ایله حکمدار طرفداری اولان رهبان فرقه مخالفیه منسوب ایدیلر . بونلرک مذهبلی پک کنیش و حکومت مداهنه کار اولملریله حکومت طرفندن نظر محبت واحترام ایله منظور ایدیلر . (دوناتیست) طائفه سی ایسه ایمپراطور برنجی قسطنطین طرفندن یوز بوله مدقلرندن رقیب اولان (ژولیان ابوستات) طرفته التجا وحمایه سنی رجا ایشلر ایدی . ژولیان کرچه طائفه مرقومه بی بر مدت حمایه ایلش ایسه ده کندیسندن صکره کلان حکمدارلر طائفه مرقومه بی تضییق و اموال و املاکلرینی ضبط و غصب وکنیسالرینی سد و بند ایدرک راهبلرندن بر قسمی مملکتدن طرد و تبعید ایشلر سده انجق ظلمدیده راهبلرک بو اغورده کوسرتدکلری متانت و صلابتله اهلانیک توجه و محبتلرینی قزانمشلر ایدی . ذاتاً کندیلرینی مدافعه یولنده استعمال ایتدکلری وسائط واسباب روح نصرانیت ده اموافق

واعتراضك كسب رسوخ و نصرايتك فرق متعصبه سینه قوت بخش اولمده ایدی .

(آریانلر) مملکتده اودرجه صاحب قوت و نافذالکام ایدیلر که (نيس) مجمع رهبانيسی مقرراتنه تابع اولان فرق نصارانك هيچ بریسی بونلره مال و منال و جاه و اقبال اعتباريله موازی اوله من ایدی . [پتافوس] ایله سائر مورخلرك روایتلرینه نظراً آریانلر [نيس] قوانرسندن مقدم عقائد نصرايتده موجود اولان اختلافك حلی ضمنده راهبلره مراجعت یلديکلی مذکوردر . [نيس] قوانرسنی نتیجه سنده عقیده لرینك فسادی قرارگیر اولمش ایسه ده بوقرار اکثریت صورتيله حصول پذیر اولمشدر .

ایمپراطور قسطنطین ، نيس مجمع رهبانيسه دعوت ایدلمسی لازم کلان ایکیديک راهبدن انجق اوچيوز اون سکز راهبی قبول ایتش و بعض مورخلرك روایتلرینه نظراً قوانرسده بولنانلرك بر قسمی راهب اولمدينی دخی محرز و مسطوردر . قوانرسیه مدعو اولانلر آریانلر فرقه سینه مخالف اولان طاقندن ایدی . آریانلره ایسه حریت کلام ویرلديکندن قوانرسه مقرراتنك علملرینه اولسینه حیرت ایدیلماييدن . ایمپراطور قسطنطین نيس مجمع رهبانيسی مقرراتنك صرف کندی فکرینه متابعت و مداهنه صورتيله قرارگیر اولديغنه اول درجه قانع ایدی که وفاتندن بر مدت اقدم آریان مذهبك رئيسی آریوسی منفادن کتوردیکی کبی بر آریان راهبنه کندیسنی یکیدن وافتیز ایتدیرمشدر . ایمپراطور قسطنتبوس ايله [قالانس] هر ایکیسی آریان مذهبندن اولدقلى کبی بالجله (غودلر) دخی آریانست فرقه سینه داخل ایدیلر . حکمدار قالانتيان ايله تيودوسيوس بالجله مناصب ملکیه و مزاتب عسکریده آریانستلری استخدام ایلرلر ایدی . (تیر) (ساردیس) (سیرمیوم) (ریمو) ده التیوز راهبدن مرکب عقد اولسان سکز قوانرسده (آریانستلر) ک عقائد مذهبيه لری صحتیه قرار ویرلديکی کبی کندی عقیده لرنده اولیانلره دخی اشکنجه ایتکه باشلامش ایدی . انجق مؤخرأ مال و ثروتجه کنیسالرينك مکنتی ، رؤسالرينك قوت و شوکتی ، عبادلرينك نمايشاتی ، [کنیسایه موسیقه] ادخال کبی بدعه لرك احدائی می ، یاخود او عصر اهالیسنك جهالت عمومیه لرینه نظراً راهبلرينك علم و معرفتلى یاخود دائماً منطقه توفیقاً اداره لسان ایللری می ، والحاصل حقیقتی تعین ایده میان اسباب مجهوله دن طولایی حکمدارلر مؤخرأ بو فرقه علمینه دونمش و بونلره دخی اشکنجه و عذاب ایتکه باشلامش ایدی . کندیلريله هم مذهب اولان غودلرك ایتالیا و اسپانیا و افریقای استیلا ایللری رومایمپراطورلری ایچون غیض و غرضی موجب و آریانلر حقلرنده عدم اعتمادی مستوجب اولمسیله وجودلرينك محو و ازاله سی اسبابنه تشبث ایشلر ایدی . حالبوکه ملل نصارا آردسده شو صورتله عقائد مذهبيه تفرقه غوغالری ظهوری و برینك محوی دیکرینك دخی ضعیفی مستلزم اولمسی طبیعی بولمسیله بوتفرقه دن بالاستفاده غودلرك طرف طرف ممالک نصرانیه بی سهولته ضبط و استیلا ایللرینه بادی اولمش ایدی . غودلر ایسه (سالواسیان)

اولدینی کبی کندیلرینه التحاق ایدنلری یکیدن وافتیز ایلدکلرندن فرقه مخالفه افرادینك عادتاخرستیان اولدقلى زعمی اکثر خرسیتیانلرده حاصل اولمشیدی .

دونایتستلر (اونوروس) زمانه قدر دوام ایشلرسده انجق بر حال اضمحلاله دوچار اولملريله اخیرأ کندیلرینه اسناد اولنان بعض افعال وحشیانه به تعجب ایتماييدر . زیرا خرسیتیانلق اغورنده هر درلو فلا کته قاتلانمش و حقلرنده احکام انجیله مخالف استعمال ایدیلان قوت و شدتله اولاد و عیالاری تلف اولمشیدی . ذاتاً مایوس اولانلرك اوچنجی بر فرقیه التحاق و اخذلر و انتقامه شد نطاق ایللری امور طبیعی دن اولمسیله اشبو افعال نتیجه سی اوله رق شمال اهالیسنك تسلط و استیلا لری بادی استغراب اولماييدر .

(ژوستینان) اوزون بر محاربه نتیجه سنده (غودلری) مملکتدن اخراج و مملکتی ید استیلا لرندن تخلصیه موفق اولدینی صره ده (آریانلر) دخی دونایتستلر قدر اشکنجه و سفالته معروض قالمش ایدی . دونایتستلر ایسه اوزون محاربات و مجادلات نتیجه سی اوله رق راهبلرينك قسم اعظمی تلف و نابود ایدلمش اولمسیله کندیلرنده معارف دینه دن بر اثر قالمش و بر اسمدن بشقه خرسیتیانلقدن بهره لری مفقود اولمشیدی . (سکرمان و وافتیز) اصولی اره لرندن قالمش و خرسیتیانلقدن عقیده لری یالکز فرق مخالفه نك خرسیتیان اولدقلى رینه قناعتدن عبارت قالمش ایدی .

(نوقاسو) لر دخی عین سبيله فرق سائرمدن آیرلمش و (نوقاتوس) ايله ایکی راهبدن بشقه تکمیل ایتالیان راهبلری (دیوقلیس) ايله (ماقسیمان) زمانلرده بت پرستلکه راضی اولمشلر و خرسیتیانلق حکومتجه رسمی دین اعتبار ایدیلنجیه قدر آیین بت پرستیده ثابتقدم اولمشلر ایدی . باشده روما پسقبوسی اولمق اوزره ایتالیان راهبلرينك امور دینه ده مبالانسز لکلی عموم خرسیتیانلرك دینسز لکلینه سبیت ویرمش ایدی . بالاده محررالاسامی (نوقاتوس) ايله رفیقلى بدایه بت پرستلکه راضی اولدقلى رندن اخیرأ نصرايتك کسب قوت و نفوذ ایللی اوزرینه تکرار نصرايته عودت ایدنلری قبول ایتماش و کندیلرینه خرسیتیان نظریله باقامش ایدی . بو عدم قبول توبه لرینك مقبول اولماسی جهتندن اولیوب انجق حواریوندن بطرسك انجیلی احکامنجیه بونلر راهب نظریله باقیله من ایدی .

نوقاتستلر ایسه غایت متعصب و ساکن و ساکت بر طائفه ایدی . وقتيله [نيس] مجمع رهبانيسه قرارگیر اولان تشلیه راضی اولدقلى رندن حکومت طرفندن بونلره تعرض ایدیلماشیدی . کندیلری دخی ذاتاً حکومتله اختلاط ایتدیکلری کبی حکومت ایشلرینه و او میانه ده ظهور ایدن اختلالره قارشمدقلى رندن بوسایه ده شرق ایمپراطورلنی منقرض اولنجیه قدر بو طائفه بر دوام اولمش و مؤخرأ اروپا کنیسالرينه التحاق ایشلردر . کرجه بونلر ملت اره سنده هيچ بر فرقه به سبب اولماشلر ایسه ده بونلرك منزویانه و زاهدانه حیسانلری حکمدارلرك اصول دین و آیینلرینه ملئت افکارنجه جایگیر اولان استخفاف

نام مورخك روايته نظرآ بغایت معتقد و دیندار و استیلا ایلدیکلری ممالك اهلینسه عدالت و رفق و ملامتله معاملیه هوسکار اولمیریه خرسیتان و الیلرک ارتکاب و ارتشالرندن فقر حاله دوجار و پاره ایله استیجار ایدیلان عسکرلرک ظلم و تعدالرندن بزار اولان اهالی کال خواهشله غودلره عرض مطاوعت و انقیاد ایلورلردی . تثلیثه قائل اولان فرقه مثله نك بحثنه کلنجه بونلرک مختصراً تعریفلری بالجله علوم و معارفه دشمن و صفندن عبارتدر . علوم و معارفه عائد هر کتاب قانون دینلرنجه محرم و ممنوع اولدیغندن بوضورتله الیرینه کچن کتب علمیه یی احراق ایدرلر ایدی .

بونلرک ایچنده سطحی اوله رق بر قاج سوز بلله مش کچی کورینان بر قاج کشیدن بشقه سی عموماً جهله دن اولدقلری معلومدر .

راهلری فصل ایسه اهالی دخی اوله ایدی . دینلری انجق کنیسیایه کیتمکدن و اعتقادلری دخی علی العمیا پاپاسلره اینانمقدن عبارت ایدی . کنیدیجه دخی دینک معناسی دیه تسمیه ایتدیکم تثلیث ایله اکا متعلق مسائل غامضه کنیدیلرینه تفهیم و تعلیم ایدیله مدیکندن نه درجه واهی و سخیف اولورسه اولسون کنیدیلرینه تلقین ایدیلان خرافاته معجزه نظریله باقرلر ایدی . سرای حکمداری خلقنه کلنجه بونلری هانکی فرقه یه الحاق ایتک لازم کله چکنه متحیرم . زیرا خرسیتانلقدن اسمدن بشقه برشی طاشیمدقلری کچی ایمراطورلر اوزون بر مدت یت پرست کاهنلرینک البسه لری اکتسا ایدرلر ایدی . (غراسیان) او البسه یی تزع ایلش ایسه ده انک تأثیرات مغویه سنی تزع و قلع ایده مامشیدی . (تیودوسیوس) و (زوستینان) قانونلرنده کنیدیلرندن بحث ایلدیکلری صروده (بزکه ابدی بزکه لایموتز) تعیرلری اوصاف مخصوصه لری میاننده استعمال ایلدیکلری کچی کنیدیلرندن اول کچن حکمدارلره (ابدی) وصف الهیسی استعمال ایلدیکلری مشهوددر . تیاترو صحنه لرنده غایت ششنع و مستبشع احوال دوام ایلدیکی کچی (سیرک) اویونلرنده جاری اولان افعال فجیعه یی محافظه ایدرلر ایدی . حق بوکا دائر (تیودوسیوس) ک بر قانون مخصوصی اولدینی معلومدر . دین خصوصنده ایمراطورلر مطلق العنان وهانکی فرقه یه ارزو ایدرلرسه التحاقده مخیرالجان ایدیلر .

اشبو فرقه مثله یه ملحق دیگر بر طائفه دخی واردرکه انلرک اعتقادلری حکمدارلرینک اوامرندن عبارتدر .

تثلیثه قائل اولان فرقه نیس جمع رهبانیه دن داخل اولمش و مقرراتنه راضی اولمشلر ایسه ده نه دیمک اولدینی اکلایه مامشلردر .

لاتین کنیسیاسی اقانیم ثلثه یی اوج شخص اعتبار ایدرلر . یونان کنیسیاسی ایسه یکدیگرینه حلول ایتش اقانیم ثلثه یی اعتقاد ایدرلر . انجق (روح القدس) نه دیمک اولدینی تعریفده دوجار مشکلات اولدقلرندن بو یوزدن دخی آرملرنده تفرقه و اخلاف ظهور ایلشدر . بونلر دخی نسطوری طائفه سیله (اوتوشیان) طائفه سیدر .

نسطوریلر حضرت عیسانک آله اولدیغنه قانع اولوب انجق ایکی شخصدن مرکب یعنی هم بشر هم آله اولدینی اعتقادنده درلر . (اوتوشیان) لر

ایسه عیساده الوهیت و بشریت مواد اصلیه سی موجود اولمقله برابر اشبو مواد مختلفه یکدیگرینه اول درجه حلول و اتحاد ایلشلردرکه بر وجود اولمش اعتقادنده درلر . اشبو ایکی طائفه یک قوتلی ایدیلر و فی الواقع اوچنچی و دردنچی قوتلرله عائدلرینک فسادی قرارکبر اولمش ایسه ده فلسطین و مصر و حبش و ایران طرفلرنده عقیده لری منتشر اولمش و خیلی طرفدار پیدا ایلشلردر . بونلرک آیری بطریق و مطران و راهلری وار ایدی . اشبو ایکی طائفه رئیس روحانیلری بغایت نافذ الکلم اولدقلرندن (اوتیکوس) اسکندریه بطریق اولدینی کچی (سقیریوس) انطاکیه بطریق ایدی . (نسطوریوس) یدایتده استانبول بطریق اولدینی کچی الیوم خیلی طرفدارلری واردر . تثلیثه قائل اولان اوچنچی بر طائفه دهها واردرکه انلر دخی کلدانییه تجمع ایدن مجلس رهبانده عقیده لری قرارکبر اولمقله کنیدیلرینه (کلدانی) اطلاق اولدینی کچی عائدلری حکمدارک عائدندن عبارت اولمقله (کلدانی ملکیت) نامنی احراز ایلشلردر .

عالم اسلام

مقالات

ایرانک ماضی و حالنه بر نظر

عالم اسلامک ارکان مهمه سندن برینی تشکیل ایدن ایرانک عظمت تاریخیه سی بتون مورخین غربیه و شرقیه طرفندن تسلیم ایدیلکده در . ایرانیلر کره ارضده ساکن کافه اقوام آراسنده اقدیملرندن بریسی در : عربجه « آریا » جنسه منسوب بولسان بو قوم ، روما و یونانیلردن دهها اول بر حکومت ملیه مستقله تشکیلنه موفق اوله رق آسیای وسطی و غربیه ده بیکلرجه سنه دن بری مهم بر مقام کسب ایتشلردر . ذاتاً « آنتیق » دینان دوره تاریخیه ده ایرانیلر بتون آسیای غربیه حکمران ایدیلر : اؤکلرینه کلن آتوریه ، بابلستان ، و آسیای صغرا ده موجود حکومت صغیره یی مغلوب ایده رک ترکستان شرقی دن آسیای صغرایه قدر توسع ایتشلر ایدی . حتی بر زمان قرقسلرک ، آرتا قرقسلرک ، داریوسلرک میلیونلرجه اردولری مصری و اوروپایی استیلا ایده رک اوعصرلرده کره ارضک الک مسکون و مدنی عد ایدیلان قطعله لری ید تسلطلرینه کچر مشلر ایدی .

دهها وزمان ایرانیلر بر مدنیت مخصوصه ملیه مالک ایدیلر : قوللاندقلری لسان « فرس قدیم » السنه آریه نك مأخذ اصلیه سی اولان سانسقریتدن تشعب ایتش ، « پروتو آرییان » تسمیه ایدیلن لاتین یونان لسانلری ایله برابر ، او زمانکی عالم مدینتک انک برکزیده لسانی عد ایدیلورلردی . شو لسانده یازیش آثار ادبیه نك نمونلری الان پارس ، لوندره و برلین کتبخانه لرنده موجوددر ، که بولسانک دهها